

Bosna i Hercegovina  
FEDERACIJA BOSNE I HERCEGOVINE  
VRHOVNI SUD  
FEDERACIJE BOSNE I HERCEGOVINE  
Broj: 09 0 K 023101 16 Kž 12  
Sarajevo, 13.06.2016. godine

Vrhovni sud Federacije Bosne i Hercegovine u Sarajevu, u vijeću sastavljenom od sudija Nidžare Zlotrg kao predsjednice vijeća, Zorice Gogala i mr. Božidarke Dodik kao članova vijeća, uz sudjelovanje Dinele Dedić kao zapisničara, u krivičnom predmetu protiv optuženog E.P., zbog krivičnog djela Organizirani kriminal iz člana 342. stav 3., u vezi sa krivičnim djelima Razbojništvo iz člana 289. stav 2. u vezi sa stavom 1., Oštećenje tuđe stvari iz člana 293. stav 1., Izazivanje opće opasnosti iz člana 323. stav 1. i Nedoizvoljeno držanje oružja ili eksplozivnih materija iz člana 371. stav 1. Krivičnog zakona Federacije Bosne i Hercegovine, te krivičnog djela iz člana 52. stav 1. tačka a) Zakona o nabavljanju, držanju i nošenju oružja i municije, optuženog B.A., zbog krivičnog djela Organizirani kriminal iz člana 342. stav 2., u vezi sa krivičnim djelima Razbojništvo iz člana 289. stav 2. u vezi sa stavom 1., Oštećenje tuđe stvari iz člana 293. stav 1. i Izazivanje opće opasnosti iz člana 323. stav 1. Krivičnog zakona Federacije Bosne i Hercegovine i optuženih E.S., A.S. i E.T., zbog krivičnog djela Organizirani kriminal iz člana 342. stav 2., u vezi sa krivičnim djelom Razbojništvo iz člana 289. stav 2. u vezi sa stavom 1. Krivičnog zakona Federacije Bosne i Hercegovine, povodom žalbe kantonalne tužiteljice iz Sarajeva protiv presude Kantonalnog suda u Sarajevu broj 09 0 K 023101 15 K od 18.03.2016. godine, u sjednici vijeća održanoj dana 13.06.2016. godine, donio je sljedeće:

## R J E Š E N J E

Odbacuje se kao nedopuštena žalba kantonalne tužiteljice iz Sarajeva, izjavljena protiv presude Kantonalnog suda u Sarajevu broj 09 0 K 023101 15 K od 18.03.2016. godine.

## O B R A Z L O Ž E N J E

Presudom Kantonalnog suda u Sarajevu broj 09 0 K 023101 15 K od 18.03.2016. godine oglašeni su krivim optuženi E.P. za krivično djelo Oganizirani kriminal iz člana 342. stav 3., u vezi sa krivičnim djelima Razbojništvo iz člana 289. stav 2. u vezi sa stavom 1., Oštećenje tuđe stvari iz člana 293. stav 1., Izazivanje opće opasnosti iz člana 323. stav 1. i Nedoizvoljeno držanje oružja i eksplozivnih materija iz člana 371. stav 1. Krivičnog zakona Federacije Bosne i Hercegovine (KZ FBiH), te krivičnog djela iz člana 52. stav 1. tačka a) Zakona o nabavljanju, držanju i nošenju oružja i municije i osuđen na kaznu zatvora u trajanju od 7 (sedam) godina, optuženi B.A. je oglašen krivim za krivično djelo

Organizirani kriminal iz člana 342. stav 2., u vezi sa krivičnim djelima Razbojništvo iz člana 289. stav 2. u vezi sa stavom 1., Oštećenje tuđe stvari iz člana 293. stav 1. i Izazivanje opće opasnosti iz člana 323. stav 1. KZ FBiH i osuđen na kaznu zatvora u trajanju od 4 (četiri) godine i 6 (šest) mjeseci, a optuženi A.S. je oglašen krivim za krivično djelo Organizirani kriminal iz člana 342. stav 2., u vezi sa krivičnim djelima Razbojništvo iz člana 289. stav 2. u vezi sa stavom 1. KZ FBiH i osuđen na kaznu zatvora u trajanju od 2 (dvije) godine, dok su optuženi E.S. i E.T. oglašeni krivim, također, zbog krivičnog djela Organizirani kriminal iz člana 342. stav 2., u vezi sa krivičnim djelima Razbojništvo iz člana 289. stav 2. u vezi sa stavom 1. KZ F BiH, te osuđeni na kaznu zatvora u trajanju od po 1 (jedne ) godine. U navedene kazne zatvora na osnovu člana 57. stav 1. KZ F BiH optuženim će se uračunati vrijeme provedeno u pritvoru i to optuženim E.P., B.A. i A.S. počev od 02.02.2015. godine pa dalje, a optuženim E.S. i E.T. od 02.02.2015. godine do 08.05.2015. godine.

Protiv te presude žalbu je izjavila kantonalna tužiteljica iz Sarajeva zbog bitne povrede odredaba krivičnog postupka. Međutim, federalna tužiteljica je podneskom broj T09 0 KTOŽ 0081551 16 2 od 07.06.2016. godine izjavila da u smislu odredbe člana 309. stav 2. Zakona o krivičnom postupku Federacije Bosne i Hercegovine (ZKP FBiH) u cijelosti odustaje od izjavljene žalbe kantonalne tužiteljice.

S obzirom na navedeno ovaj sud je, na osnovu člana 327. u vezi sa članom 309. stav 2. ZKP FBiH, donio rješenje kao u izreci.

Zapisničar  
Dinela Dedić, s.r.

Predsjednica vijeća  
Nidžara Zlotrg, s.r.